

Date/Dyddiad 18 Gorffennaf 2019
Ask for/Gofynwch am M Curtis
Telephone/Rhif ffôn 01446 709828
Fax/Ffacs
e-mail/e-bost 21stcenturyschools@valeofglamorgan.gov.uk
Your Ref/Eich Cyf
My Ref/Cyf 21C/SDP

The Vale of Glamorgan Council
Learning and Skills
Civic Offices, Holton Road, Barry CF63 4RU
Telephone: (01446) 700111
www.valeofglamorgan.gov.uk

Cyngor Bro Morgannwg
Dysgu a Sgiliau
Swyddfeydd Dinesig, Heol Holton, Y Barri CF63 4RU
Rhif ffôn: (01446) 700111
www.bromorgannwg.gov.uk



At: Rieni, Gofalwyr a Gwarcheidwaid plant sy'n mynychu Ysgol Gynradd yr Eglwys yng Nghymru Dewi Sant;

Pennaeth a Staff Ysgol Gynradd yr Eglwys yng Nghymru Dewi Sant; ac Ymgynghoreion Rhagnodedig.

Annwyl Ymgynghorai,

Cynnig i ymestyn Ysgol Gynradd yr Eglwys yng Nghymru Dewi Sant o fod yn ysgol â 140 o leoedd i fod yn ysgol â 210 o leoedd i fodloni'r galw am addysg yr Eglwys yng Nghymru yn y dyfodol.

Mae'r corff llywodraethu eisoes wedi ymgynghori ag ymgynghoreion rhagnodedig ar y cynnig i gynyddu capasiti Ysgol Gynradd yr Eglwys yng Nghymru Dewi Sant o 140 lle i 210 lle o fis Medi 2021. Cynhaliwyd yr ymgynghoriad yn unol â gofynion Deddf Safonau a Threfniadaeth Ysgolion (Cymru) 2013 a Chod Trefniadaeth Ysgolion 2018. Cynhaliwyd yr ymgynghoriad rhwng 28 Ionawr a 15 Mawrth 2019. Nod yr ymgynghoriad oedd rhoi gwybod i ymgynghoreion rhagnodedig am y cynnig a rhoi cyfle i rannu sylwadau. O'r 15 o ymatebion unigol a gafwyd, roedd 14 o blaid y cynnig, 0 yn erbyn y cynnig, ac ni roddodd 1 unrhyw farn y naill ffordd na'r llall.

Ar ôl ystyried yr adroddiad ymgynghori ar 21 Mawrth 2019, penderfynodd y corff llywodraethu fwrw ymlaen â'r cynnig drwy gyhoeddi hysbysiad statudol. Cyhoeddwyd yr hysbysiad statudol ar wefan yr Ysgol a gwefan y Cyngor ar 29 Ebrill 2019 a'i ddsbarthu i ymgynghoreion rhagnodedig. Cafodd hefyd ei arddangos ar brif fynedfeydd Ysgol Gynradd yr Eglwys yng Nghymru Dewi Sant. Mae Deddf Safonau a Threfniadaeth Ysgolion (Cymru) 2013 yn sicrhau bod cyfle i unrhyw un sy'n dymuno gwrthwynebu cynnig trefniadaeth ysgolion wneud hyn. Er mwyn cael eu hystyried yn wrthwynebiadau statudol, mae'n rhaid i wrthwynebiadau gael eu gwneud yn ysgrifenedig neu drwy e-bost, a'u hanfon i'r cynigiwr cyn pen cyfnod 28 diwrnod gan ddechrau o'r diwrnod pan gyhoeddwyd yr hysbysiad ("y cyfnod gwrthwynebu"). Gan y cyhoeddwyd yr hysbysiad statudol ar 29 Ebrill 2019, bu'n rhaid cael y gwrthwynebiadau statudol erbyn 27 Mai 2019. Nodwyd bod 3 gwrthwynebiad unigol. Ceir crynodeb o brif bryderon y gwrthwynebwyr yn yr adroddiad gwrthwynebiadau, ynghyd â'r ymateb gan y corff llywodraethu. Mae'r adroddiad gwrthwynebiadau ar gael i'w weld ar wefannau'r Ysgol a'r Cyngor.

Yn unol â Deddf Safonau a Threfniadaeth Ysgolion (Cymru) 2013, cyflwynodd y corff llywodraethu y cynnig i'r Cyngor ar gyfer penderfyniad terfynol. Ar 15 Gorffennaf 2019, cymeradwyodd Cabinet Cyngor Bro Morgannwg y cynnig i ymestyn Ysgol Gynradd yr Eglwys yng Nghymru Dewi Sant o 140 lle i 210 lle o fis Medi 2021. O ganlyniad, caiff adeilad newydd ei godi ar safle'r ysgol bresennol ar gyfer Ysgol Gynradd yr Eglwys yng Nghymru Dewi Sant gyda chapasiti am 210 o ddisgyblion.

Wrth benderfynu ar y cynnig, bu'r Cabinet yn fodlon y bydd yn cynnig yn:

- Galluogi'r ysgol i wella ymhellach wrth ddarparu ar gyfer poblogaeth ddisgyblion fwy
- Cynnal mynediad a dewis rhieni ar gyfer darpariaeth grefyddol yn yr ardal;
- Cynnig amgylcheddau dysgu arloesol a chreadigol fyddai'n gallu addasu i newid, wrth herio a chefnogi plant i gyflawni eu llawn botensial.
- Byddai'r cynnig yn cynyddu gallu'r gymuned i ddefnyddio a rhyngweithio â'r ysgol drwy ddefnyddio cyfleusterau addysgol yr ysgol, gan fodloni anghenion yr ysgol ar yr un pryd.
- Bydd yr adeilad newydd yn bodloni safonau 'Ardderchog' BREEAM (Building Research Establishment Environmental Assessment Method) ac yn cael eu hadeiladu i safon 'A' EPC (Tystysgrif Perfformiad Ynni).

Mae'r rhesymau dros y penderfyniad mewn cysylltiad â'r ffactorau wedi'u nodi yng Nghod Trefniadaeth Ysgolion 2018 fel a ganlyn:

Ansawdd a Safonau Addysg

Mae gan y Cyngor uchelgais clir fod deilliannau addysgol ym Mro Morgannwg gyda'r gorau yng Nghymru ac yn cydweddu â'r rhai mwyaf llwyddiannus yn Lloegr gyda phroffiliau economaidd-gymdeithasol tebyg. Bydd y cynnig yn helpu i wireddu yr uchelgais hwn.

Bydd yr adeilad a'r safle newydd yn cynnig rhagor o gyfleoedd i ddatblygu'r cwricwlwm ac ar gyfer cynnal llesiant disgyblion. Bydd gan ddisgyblion rhagor o gyfleoedd i fanteisio ar gyfleusterau digidol a manau dysgu awyr agored. Bydd darpariaeth well i fyfyrwyr sydd ag anghenion addysgol arbennig ar gael yn yr ysgol.

Yn ystod y cyfnod pontio ar ôl y penderfyniad, bydd y Cyngor yn cymryd unrhyw gamau ymarferol i darfu cyn lleied â phosibl ar y cyhoedd o amgylch y safle gan weithio'n agos gyda'r contractwyr.

Bydd y cynnig yn sicrhau buddsoddiad sydd fawr ei angen yn Ysgol Gynradd yr Eglwys yng Nghymru Dewi Sant, a bydd yn helpu i gyflawni newid trawsnewidiol sydd ei angen i gyflawni eu llawn botensial.

Yr angen am leoedd a'r effaith ar hygyrchedd ysgolion

Bydd y cynnig yn sicrhau bod cydbwysedd cynaliadwy rhwng cyflenwad a galw am leoedd ysgol gynradd yn y tymor hir. Bydd y cynnig yn cynyddu lleoedd ym maes addysg grefyddol yng Ngorllewin y Fro.

Dan y cynigion, nid oes cynlluniau i newid polisi'r Cyngor ynglŷn â darparu trafndiaeth i blant rhwng y cartref a'r ysgol. Bydd cymhwysedd am gludiant ysgol am ddim yn aros heb newid o ganlyniad i'r cynnig hwn. Ni fydd y llwybrau cerdded diogel i ysgolion sydd ar gael ac a ddefnyddir ar gyfer asesu trafndiaeth ysgol am ddim yn newid o ganlyniad i'r cynigion hyn.

Bydd gwell fynediad i ddisgyblion anabl a defnyddwyr arall yn yr adeilad newydd arfaethedig.

Adnoddau addysg a goblygiadau ariannol eraill

Darperir arian trwy fformiwla ariannu ysgolion sy'n dyrannu'r rhan fwyaf o arian ar gyfer ysgolion ar sail nifer y disgyblion.

Bydd y cynnig hwn yn golygu y gwneir buddsoddiad cyfalaf sylweddol i sefydlu ysgolion newydd a datblygu cyfleusterau o'r radd flaenaf. Y gost a amcangyfrifir am y cynllun yw £4.185 miliwn Disgwyli'r darperir cyllid yn rhannol gan Lywodraeth Cymru dan Fand B y Rhaglen Ysgolion yr

21ain Ganrif. Y Cyngor fydd yn sicrhau gweddill y cyllid cyfalaf gan ddefnyddio Cyfraniadau Adran 106 a gafwyd gan ddatblygwyr.

Gan fod yr ysgol yn ysgol wirfoddol a gynorthwyr, caiff tir dan yr adeilad newydd ei drosglwyddo i'r esgobaeth wrth gwblhau'r cynllun. Y Cyngor fydd yn berchen ar weddill y safle.

Ffactorau cyffredinol eraill

Mae'r Asesiad o'r Effaith ar Gydraddoldeb yn nodi y byddai effaith gadarnhaol ar bobl â'r nodweddion a ddiogelir o ran oedran, anabledd ac ailbennu/hunaniaeth rhywedd. Byddai'r cynnig yn cefnogi'r ysgol i sicrhau bod ganddi gyfleusterau gwell i hyrwyddo cyfle cyfartal a meithrin perthnasau da rhwng y rhai â nodweddion a ddiogelir gwahanol.

Nid ymddengys y bu effaith negyddol ar y nodweddion a ddiogelir a nodwyd. Nid yw'r safle presennol yn cydymffurfio'n llawn â gofynion Deddf Cydraddoldeb 2010 oherwydd cyfyngiadau safle. Byddai gweithredu'r cynnig yn llwyddiannus yn galluogi cydymffurfiaeth drwy ddarparu adeilad cwbl hygyrch â chyfleusterau niwtral o ran y rhywiau.

Yn ddiffuant,



Paula Ham, Cyfarwyddwr Dysgu a Sgiliau